

Акафист Успению Пресвятой Богородицы.

Кондак 1

Избрáнной от всéх родов Божией Матери и Царице,/ восходящеí от земли к Небесиí,/ благоговéйная пения о пречестном Твоем Успéнии/ приносим раби Твои, Богорóдице./ Ты же, яко имущая победу над смéтию,/ от всяких нас смертоносных бед свободи, да зовéм Ти:// Радуйся, Обráдованная, во Успении Твоем нас не оставляющаí.

Икос 1

Ангел предстатель послан бысть рещи Богородице ко премирным Ея возшествие и приити предъявляше к Ней Сыну Ея и Богу, светло о Ней блистаяся и стоя, зовый таковая:

Радуйся, прерадованная Мати Царéва;/ радуйся, небесная Царице, Мати Бога и Господа Небесé и земли.

Радуйся, предпочтенная превеличеством пришествия к Тебе Сына Твоего и Бóга;/ радуйся, возвеличенная извещением Твоего к Сыну отшéствия.

Радуйся, от всех родов Богом избранная; радуйся, святое вместилище Слова Бóжия.

Радуйся, пророческого проречения исполнéние;/ радуйся, Апостолом пречестный вéнче.

Радуйся, святителем украшение и священником добро́то;/ радуйся, правителем удобрение и держáво.

Радуйся, богомудрых иноков возведение к горнему Цárству; радуйся, отверзающая райских двери христианскому роду, присно Тя блажáщему.

Радуйся, Обрадованная,/ во Успении Твоем нас не оставляющая.

Кондак 2

Видяще апостолов лик, всесильным мановением от конец земли на облацах представших ко Пречестному Твоему, Пренепорочная. успению, священоначальницы: Дионисий - небесный таинник, Иерофей дивный и Тимофеи с Боголепною честию священства пояху Богу: Аллилуиа.

Икос 2

Разумная вся тварь, старейшая чиноначалия ангельская приидоша со своим

Царем, Иже во Своя живоначальнейшия руце душу Матере Своей прият;
теплый же верою Петр со слезами многая к Ней изрече, зовый:

**Радуйся, ко премирным, Мати Творца миру, восходящая;/ радуйся, к
пренебесным, пространнейшая небес, взёмлющаяся.**

**Радуйся, четверочастное стихий освятившая Твоим восхождением;/ радуйся,
Небесных возвеселившая Твоим прехождением.**

**Радуйся, во Иерусалим горний прекрасный приятая;/ радуйся, в
нерукотворенные храмы прерадостно вшедшая.**

Радуйся, Херувимов и Серафимов Царице;/ радуйся, Архангелов Владычице.

**Радуйся, прибежище верных и избавление;/ радуйся, достоянию Твоему
помощь и защищение.**

**Радуйся, о всем мире христианством к Богу Ходатице;/ радуйся, благ
всияческих Всеблагая Подательнице.**

Радуйся, Обрадованная,/ во Успении Твоем нас не оставляющая.

Кондак 3

**Сила Вышняго восхити от Индии Фому, за некое изволение Божие не
прилучшуся ему в пречестное успение Богоматере, и предпостави
живоприемному Ея гробу, иже, Преставльшуюся приник видети, уразуме
вознесенную на Небеса с телом и, веровав, о сем возопи: Аллилуиа.**

Икос 3

**Имея в себе помышление ученик, яко Божиим смотрением бе ему не
обрестися ко провождению Богоматере с прочими вкупе, обрадован быв о
бесмертнем Ея Успении, сия вопияше к Ней:**

**Радуйся, восприемлемая от земли дланьма Сына Твоего;/ радуйся, ко
превышним возшедшая наслаждатися славы Его.**

**Радуйся, провождаемая от всех чиноначалий ангельских в Горняя;/ радуйся,
подъемлемая Херувимы в Небесная и наднебесная.**

**Радуйся, в Небесных вратах от старейших Сил велелено песньми
возносимая;/ радуйся, от всех Небесных граждан окружаемая и блажимая.**

**Радуйся, Небо земное, к горнему селению возвышенное;/ радуйся, Престоле
Господень, от земли вознесенный в Царствие Небесное.**

Радуйся, предстательство наше и крепкое заступлénie;/ радуйся, грешником Споручнице во спасéние.

Радуйся, Христианом Царице и по Бозе надеждо Небеснаго Цárствия;/ радуйся, Мати Живота и по Господе нам упование жизни вéчныя.

Радуйся, Обрадованная, во Успении Твоем нас не оставляющая.

Кондак 4

Бурю внутрь имея помышлений неверных евреин Афоний, и зря Богоносными апостолы Богоматере Пречестное Тело всечестне ко гробу несенное, ко опровержению устремися; внезапу же, егда со ослеплением очи руце его отъяте ко одру прилеплене висясте, верою Матерь Божию исповедаше, вопия Богу: Аллилуиа.

Икос 4

Слышавше тайнницы и самовидцы Слова Ангелов, поющих превышними песнями при погребении Богоприятного тела Божия Матере, и честь подати хотяще Богоугодную, потщащася согласно пети, глаголюще:

Радуйся, благовестие приемшая о прешествии Твоем в Горнее Цárствие;/ радуйся, от благовестившаго Гавриила приемшая радостнаго рая вráвие.

Радуйся, пречестное херувимское множество просветившая;/ радуйся, преславное серафимское естество возрадовавшая.

Радуйся, от патриархов прообразованная; радуйся, от пророков предвозвéщенная.

Радуйся, злую дерзость Афониеву скоро отмстившая;/ радуйся, исцеление томужде подáвшая.

Радуйся, обратившая в веру Афониево невéрие;/ радуйся, верное того приемшая исповéдание.

Радуйся, возводящая к Небеси любовь и веру к Тебе имúщих;/ радуйся, спасающая верою имя Твое призывающих.

Радуйся, Обрадованная,/ во Успении Твоем нас не оставляющая.

Кондак 5

Боготечные звезды, апостоли святии, в поднебесней разсейннии ради Евангелия, восхищени быша на облацах, по широте воздушней, ко

погребению Матере Господни, Юже пеньми и песньми провождающе, с Невещественными взываху: Аллилуиа.

Икос 5

Видевше Боговидцы своего Владыку, в руце Матере Своей душу приемша, и Господа Того разумевше, потщаася священнословия песньми благословне воспети Ю:

Радуйся, Царице, над всеми Царствующаго носившая;/ радуйся, и Сама рукама Его Сыновнима носимая.

Радуйся, скипtre царский в Христовой деснице;/ радуйся, в руце Ноя ветве голубицы.

Радуйся, жезле Ааронов, прозябший нетление;/ радуйся, крине неувядаемый, процветший безсмертие.

Радуйся, Богоотца Давида цевнице Богодохновённая;/ радуйся, пророчествия его возставшая слово, псалтирю и гусли прекрасныя.

Радуйся, одушевленный святыни Господни кивоте; радуйся, в покой Господень воскресший наш животе.

Радуйся, скиние, от Херувимов осеняемая; радуйся, Святая святых, от Серафимов глаголемая.

Радуйся, Обрадованная,/ во Успении Твоем нас не оставляющая.

Кондак 6

Проповедницы Богоноснии апостоли, по отшествии ко премирным Божия Матере во общем седении обычныя трапезы бывше и предложение части хлеба во Имя Господне возносяще, внезапу свыше Богородицу Царицу, пришедшую со светоносными Ангелы, зряху и, мир тем от Сына и Бога подавшую слышавше, возгласиша о сем: Аллилуиа.

Икос 6

Возсия нам Солнце правды, Христос Бог от Твоих пречистых ложесн, волею и благоразумием проповедания чрез Апостолы мир просвети и Тя, Богоматерь, от рода и в род прослави. Темже и мы все ублажаем Тя, вопиюще Ти:

Радуйся, Присноблаженная от всех родов во вёки;/ радуйся, благоутробная и милостивая на человёки.

Радуйся, ученическому лицу обещание исполнившая;/ радуйся, присещением Твоим от Сына Твоего и Бога мир тому подавшая.

Радуйся, всежелательное святых и сладкое зрение;/ радуйся, преподобных матерей и дев святых всевеселящее радование.

Радуйся, преходящая райское селение праведных;/ радуйся, посещающая всех во славе небесней сущих.

Радуйся, начало человеческого спасения;/ радуйся, исполнение всех благих желания.

Радуйся, по Бозе, Царе царствующих, Богородице Царице;/ радуйся, по Господе господствующих, Владыце нашем, Госпоже и Владычице.

Радуйся, Обрадованная,/ во Успении Твоем нас не оставляющая.

Кондак 7

Хотящих всех с верою входити в храм Твой святый, Богородице, присно спасаеши и славяющих Тя от всяких напастей и бед свобождаеши; темже и благоверным людем, присноблажающим Тя, победы на сопротивныя даруй и вся ко спасению прошения нам подавай, о сем молящимся Тебе и поющим Богу: Аллилуиа.

Икос 7

Новую показа тварь, явлься нам, всех Творец Господь Тобою, Богородице. Ты же сродное промышление о нас к Нему имущи, честне почитающих пречестное Твое Успение, приими сицевая Тебе вопиющих:

Радуйся, Мати Богу, избранная от земных;/ радуйся, превышшая земных и Небесных.

Радуйся, Херувимов и Серафимов горе превозведшая;/ радуйся, лик ученический облаком ко погребению Ти доле совокупльшая.

Радуйся, Фому по погребении Твоем силою Божию предпоставившая изряднее;/ радуйся, чрез него уверившая Твое на Небо с плотию преселение.

Радуйся, красотою всех добродетелей украшённая;/ радуйся, краснейшему паче сынов человеческих Сынови Своему сопричтённая.

Радуйся, яко финикс, плотию воскресшею процветшая;/ радуйся, яко кедр в Ливане небесном, умножившаяся.

Радуйся, древо живота, насажденное посреде рая превышняго;/ радуйся, ковчеже мысленный возвышенный в Горния от потопа смéртного.

Радуйся, Обráдованная,/ во Успении Твоем нас не оставляющая.

Кондак 8

Странно в превышних ведуще Тя, Избранная, яко солнце, Владычице, внутрь пренебесных недомыслимых красот и неизреченных доброт, умильно к Сыну и Богу, дланьма Его держиму, возшедшую и прерадостно преклонышуюся живоначальней Его деснице, о сем непрестанно вопием: Аллилуия.

Икос 8

Вся бывши горе, к Небесным взята и, земных не оставляющи, Богомати, рукама Сыновнина носима, в незаходимая вниде, во оный град всесветящий и прекрасный, Иерусалим вышний, Херувими обстоима со всеми Небесными силами, идже слышит поющих сия:

Радуйся, Еяже пресвятая душа в вышнем всесветлом Сионе вселяется;/ радуйся, Еяже и нетленное тело таможде с душою купно прославляется.

Радуйся,вшедшая в престольный град Самаго Вседержителя;/ радуйся, вознесшаяся в прекрасный рай Вышняго Насадителя.

Радуйся, пренесенная во град, основанный от каменей всесвётиших; радуйся, введенная во ограду, обстоимую вои сил превышних.

Радуйся, превышше Небес во благоление Божие взятая;/ радуйся, паче всех невещественных умов почтённая.

Радуйся, приносящая к Сыну Своему и Богу моление вéрных;/ радуйся, и Сама непрестанно у Престола Сына Твоего и Бога молящаяся о всéх.

Радуйся, Предстательнице к Богу, мир спасающая;/ радуйся, Заступнице, роду христианскому от Бога даровáнная.

Радуйся, Обráдованная,/ во Успении Твоем нас не оставляющая.

Кондак 9

Всякое естество ангельское превозносит Тя, Богородице, человечествии же роди вси Матерь Тя Божию славим и почитаем пречестное Твое Успение, Царице: Тебе бо ради земни Небесным совокупляются, согласно поюще Богу: Аллилуия.

Икос 9

**Ветийства Боговещанных пророческих речений ныне зrim о Тебе сбывшаяся,
Богородице, яко воистину Бога плотию родила еси нам. Темже таинству
словесе Божия верующе, вопием:**

**Радуйся, закона и пророков главизно совершённая;/ радуйся, звездо
Иаковля, Валаамом пророкованная.**

**Радуйся, одре Царя Великаго, вещанный Соломоном;/ радуйся, руно,
орошенное Иисусом, образованное Гедеоном.**

**Радуйся, Неопалимая Купино, законоположником предзримая;/ радуйся,
горо святая, мужем желания усмотренная.**

**Радуйся, лествице небесная, Иаковом предвидимая;/ радуйся, двере
непроходимая, Иезекиилем предзримая.**

**Радуйся, солнце селения Христова, псалмопевцем предъявленное; радуйся,
таинство, многообразне пророки пронаречённое.**

**Радуйся, пророческих глагол всех, предреченных о Тебе, конец принесшая;/
радуйся, Вышняго смотрения вся за спасение мира совершившая.**

Радуйся, Обрадованная,/ во Успении Твоем нас не оставляющая.

Кондак 10

**Спасти хотя мир, Иже всех Господь от земного Тя рода избра в Матерь Себе
и, нас ради быв человек, взыде, отнюдже снide, к Небеси от земли, и Тебе с
Собою возведе ко пребыванию во славе вечней и соцарствованию с Собою,
конца не имущему, Темже, яко Бог, слышит от всех: Аллилуia.**

Икос 10

**Стена еси верным, Богородице Дево, и заступление всем, к Тебе
прибегающим, ибо Небесе и земли Творец, от Тебе плотию прошед,
Пречистая, духом и телом в Небесная Тя пресели, ко ближайшему
предстательству о всех, ихже приглашати научи:**

**Радуйся, граде Царя Великаго верху горы Небесныя;/ радуйся, стено и
покрове, не крыющийся от нашего притекания.**

**Радуйся, верным на враги пособствующая;/ радуйся, нашествия агарянская
побеждающая.**

Радуйся, веры благочестивыя недвижимое сохранение;/ радуйся, еретичествующих полков разорение.

Радуйся, радость и умирение миру сущая;/ радуйся, всегубительного ада поправшая.

Радуйся, воинствующих на плоть целомудрием изрядное венчание;/ радуйся, мученических подвигов всечестное прославление.

Радуйся, преподобных трудом Ходатаице блаженного упокоения;/ радуйся, иноком благоскорбящим Подательнице вечного радования.

Радуйся, Обрадованная,/ во Успении Твоем нас не оставляющая.

Кондак 11

Пение всякое Богодухновенных песней не довлеет от нас ко похвале всечестного Успения Твоего, Всехвальная Владычице, Царице Богородице, но усердно Тебе приносим, яко Матери Царя всех, смиренное моление наше, с Небесными чинами поюще Единому достойно прославляющему Тя Богу: Аллилуиа.

Икос 11

Светоприемная свеща истинного Света сущим нам на земли явльшияся, души просвещавши и чтуших Твое всечестное преставление к разуму Божественному наставлявши, да поем Ти сицевая:

Радуйся, свеще неугасимая огня невещественного;/ радуйся, заре незаходимая Света невечеряя.

Радуйся, луно, от Солнца правды облиставаемая;/ радуйся, светлости, во тьме святящая.

Радуйся, светильниче, на свещнице превышнем поставленный;/ радуйся, источниче жизни, из гроба во свет изведенный.

Радуйся, Мати Света умнаго, благочестивых души просвещавшаго;/ радуйся, Мати всех Бога, озлобленных души утешающаго.

Радуйся, уповающим на Тя живота конец непостыдный дарующая;/ радуйся, достояние Божиим и Своим рабом на Суде Сына Твоего одесную Его устрояющая.

Радуйся, Преблаженная, яко Тобою блажени есмы и мы, иже Помощницу Тя юмамы;/ радуйся, Преблагословенная в род и род, яко Господь с Тобою, и

Тобою с нáми.

Радуйся, Обráдованная,/ во Успении Твоем нас не оставляющая.

Кондак 12

Благодать высокопрестольныя славы, на небесех дарованную Богоматери, почтенной седением одесную Сына Ея и Бога видяще горни умы, подъяша Ю Престоли и Силы, окружиша Начала и Власти, припадоша страшний Херувими, Серафими и Господства, со Архангелы и Ангелы вопиюще: Аллилуия.

Икос 12

Поюще всечестное Твое Успение, восхваляем вси ко пренебесным возшествие Твоое, Царице Богомати. Ты же освяти, прослави и спаси всех, любовию поющих Тебе:

Радуйся, очистившая землю пречистыми ног Твоих стопáми;/ радуйся, освятившая воздух восхождением Твойм к Небесí.

Радуйся, на Небесный круг возступíвшая;/ радуйся, вся доброды неизреченные зрящая.

Радуйся, во славе приседящая престолу Сына Твоего и Бóга;/ радуйся, с Сыном и Богом вечно цárствующая.

Радуйся, красото в деснице Господней, украшающая блажащих Тя всех Небéсных;/ радуйся, обрадовавшая надеянием на Тя всéх земных.

Радуйся, облеченнáя в солнце, сияющая благодатию и славою всей вселéнней;/ радуйся, обещавшая сохраняти и спасати призывающих Тя всех в поднебéсней.

Радуйся, от христианских родов Мати Божия почитаемая и Богородица именúемая;/ радуйся, от восток солнца до запад преславно и православно от всех благочестивых слáвимая.

Радуйся, Обráдованная,/ во Успении Твоем нас не оставляющая.

Кондак 13

О Всепетая Мати Безсмертного Царя Небесе и земли, Христа Бога нашего, живущая и по смерти, нынешняя приношения о всечестнем Твоем Успении от нас приемши, в жизни сей и в смертнем успении нашем от всякия напасти, бед и муки избави и Небесного Царствия нас, Царице, сподоби, о Тебе вопиющих: Аллилуия. (Этот кондак читается трижды, затем икос 1 и кондак 1)